


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-107	Al-Ma'un	7	1	Makkiyyah	Ke-17	2



Zaman Diturunkan

Surah al-Ma'un diturunkan selepas da'wah secara terbuka bermula sekitar tahun ke-4 Kenabian, surah ini mengandungi kesalahan-kesalahan dan jenayah-jenayah kemasyarakatan yang dilakukan oleh pemimpin-pemimpin kafir Quraisy.

Perkaitan Surah Al-Ma'un Dengan Surah Sebelum Dan Selepasnya

1. Di dalam Surah Quraisy sebelum ini telah pun disebutkan betapa tidak bersyukur orang-orang Quraisy, di dalam Surah al-Ma'un ini pula disebutkan sifat nifaq mereka dalam beragama. Walaupun mereka menjadi penjaga Ka'bah tetapi kerana tidak menerima adanya hari akhirat, mereka tidak melaksanakan hak-hak kemanusiaan dan juga hak-hak Allah, mereka bersembahyang hanya dengan tujuan menunjuk-nunjuk. Di dalam ayat ke-35 Surah al-Anfaal, hakikat sembahyang mereka didedahkan:

وَمَا كَانَ صَلَاتُهُمْ عِنْدَ الْبَيْتِ إِلَّا مُكَاءً وَتَصْدِيَةً

Maksudnya: Sembahyang mereka tidak lebih daripada bersiul-siul dan bertepuk tangan dekat Baitillah.

2. Di dalam Surah al-Kautsar akan datang, Nabi s.a.w. diperintahkan supaya mendirikan shalat kerana Allah semata-mata dan berkorban juga kerana Allah semata-mata.

Beberapa Kata Kunci Dan Tema Utama Surah

1. يَدْعُ، دَعَّ، يَدْعُ menolak dengan keras; mengherdik; membentak; menindas; berlaku zalim kpd
2. يَحْضُ، حَضَّ، يَحْضُ لا tidak mendorong dan tidak memberi galakan.
3. سَاهُونَ leka, alpa, lalai, tidak peduli, tidak mengambil hal.
4. الْمَاعُونُ bekas-bekas yang biasa digunakan di rumah, benda-benda kecil yang merupakan keperluan hidup seharian.